

Na osnovu člana 90. Zakona o javnim nabavkama („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma («Službeni glasnik BiH» br. 90/14) i dostavljene Ponude br: 640/17 od 24.04.2017. godine zaključuje se

UGOVOR O JAVNOJ NABAVCI ROBA

Između:

1. **JU "Kantonalni centar za socijalni rad"** Sarajevo, ulica Gatačka broj 80, koju zastupa Direktor Mr.sci Adnan Podžo (u daljem tekstu: *Kupac*)

i

2. **TPDC „Sarajevo“ d.d. Sarajevo**, ulica Rajlovačka bb, koje zastupa Direktor Hodžić Mirsad, dipl ecc (u daljem tekstu: *Prodavac*)

Član 1.

Predmet ovog Ugovora je kupoprodaja roba – proizvoda za čišćenje iz asortimana Prodavca detaljno specificiranih u Specifikaciji ponude broj: 640/17 od 24.04.2017. god. sa pojedinačnim cijenama iste i količinama a koja je sastavni dio ovog Ugovora.

Navedena kupoprodaja vrši se na osnovu provedenog direktnog postupka javne nabavke.

Vrijednost ugovora iznosi: **5.994,00 KM bez PDV-a, odnosno 7.012,98 KM sa PDV-om.**

Član 2.

Mjesto isporuke robe su organizacione jedinice Ugovornog organa na području svih općina na Kantonu Sarajevo.

Član 3.

Prodavac se obavezuje da Kupcu isporuči robu propisanog i provjerenog kvaliteta u dozvoljenom roku upotrebe.

Kupac zadržava pravo da isporučenu robu vrati Prodavcu ukoliko ista kvalitetom ne zadovoljava potrebe Kupca, a u slučaju učestalih isporuka takve robe može i raskinuti ugovor sa Prodavcem.

Član 4.

Eventualne reklamacije na količinu i kvalitet isporučene robe, Kupac je dužan dostaviti u roku od 24 sata od dana isporuke u pismenoj formi, a Prodavac će oštećenu i neispravnu robu zamijeniti ili nedostajuću količinu nadoknaditi u roku od 24 sata od momenta podnošenja reklamacije.

Član 5.

Prodavac se obavezuje da za isporučenu robu Kupcu izda ovjeren račun, potvrdu o preuzimanju robe i otpremnicu, na osnovu kojih će Kupac za preuzetu robu izvršiti plaćanje u roku od 30 (trideset) dana od dana ispostavljanja istih. Potvrda o preuzimanju robe će sadržavati ime i prezime osobe koja preuzima robu te naziv Službe.

Član 6.

Ugovor se zaključuje na period od **12 mjeseci** i traje od **18.04.2017. do 18.04.2018. godine**, a stupa na snagu danom obostranog potpisivanja od strane ovlaštenih lica ugovornih strana.

Član 7.

Ugovorne strane su saglasne da će sve nesporazume i pitanja vezana za realizaciju ovog Ugovora rješavati dogovorom, a u slučaju spora nadležan je Sud u Sarajevu.

Član 8.

Za sve ostale odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuće odredbe Zakona o javnim nabavkama i Zakona o obligacionim odnosima.

Član 9.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

KUPAC
Direktor



Mr.sci Adnan Podžo



PRODAVAC
Direktor



Mirsad Hodžić, dipl ecc



Broj: 35/X-02-404-474/17
Datum: 18.04.2017. godine